

## El paes dele feste

Vei con mi che te porti 'nte 'n posto  
'ndo che ogni istà gè la festa d'agosto.  
La strada l'è erta con calche tornante  
la passa 'ntra i pradi la sfiora le plante,  
na volta su 'n zima la porta a 'n paes  
'ndo che la zent la fà festa de spess.

Fermete 'n amen, tote for 'n ora  
vei dré a mi che 'l ziran fora.  
Cuca 'n tei volti, varda i somassi  
secoi de storia contadi dai sassi,  
e se vos veder la vita de ieri  
vei cando gè i “antichi mestieri”.

Dale ciampagne rumor de tratori  
da na cosina ven dei boni saori.  
Na mama la zama i so putei  
che la già 'n taola pronti i tortei,  
no massa onti, en poc grostinadi  
perché l'è così che i va preparadi  
per tastarli ogni occasion l'è bona  
vei chi ale feste o ala Madona.

Passa na vezota che ven da funzion  
la saludan e ne ferman sul cianton,  
gè chi na cianeva da ste bande  
plena de salami e aotre vivande,  
de sigur i me offrirà na szaveta  
con na lugianegia che ten la fleta.

En sto paes en mezz ai pomari  
che de pergole no vedes filari  
tut de 'n colp i sè messi en testa  
che ancia al vin bisogn far festa.  
Da io è scomenzia la gara  
'ntra 'l teroldec e la rossara.

Portegi lustrì per l'occasion  
vini e vinei en degustazion.  
En zentinar de espositori  
e chei che passa tastadori  
che sula scheda i met na cros  
chi sul bianc e chi sul ross.

Gè 'n ziro ancia i "sommelier"  
che i dà 'l voto a ogni bicer.  
Chel che vinz no 'l zapa niente  
sol en piatt e na patente  
tanto per dirge en conclusion  
che 'l so vin l era el pu bon!

Senti sonar l'Ave Maria  
che sen ancor en compagnia,  
aven passà tuta la sera  
a zacolar con zent sinzera.  
Sen stadi chi a contarnele bele  
e adess ciaminan che gè le stele,  
de luna enveze ge nè sol en migol...  
e sto paes el se zama Sporpicol!

Ernesto